

Sarajevo,08.02.2023.godine

ZA:
BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo

U skladu sa članom 106. i 213. Poslovnika Skupštine Kantona Sarajevo, dostavljam:

ZASTUPNIČKA INICIJATIVA

Prema **Skupštini Kantona Sarajevo**;

Za UVOĐENJE U PRAVO KORIŠTENJA ELEKTRONSKE ISKAZNICE I BESPLATNE GODIŠNJE KARTE ZA GRADSKI PREVOZ ZA DJECU I ODRASLE OSOBE S INVALIDITETOM

- 1. Da se osobe s invaliditetom (kada ne spadaju u kategoriju osoba koje imaju iskaznice po drugom osnovu) uvedu u pravo korištenja elektronske iskaznice i besplatnih godišnjih kupona za prevoz gradskim saobraćajem.**
- 2. Da se pratioci osoba s invaliditetom (kojima je potrebna tuđa pomoć u kretanju i komuniciranju), uvedu u pravo korištenja elektronske iskaznice te besplatne godišnje kupone koje mogu koristiti za vrijeme pružanja usluge, odnosno kada su u pratnji osobe s invaliditetom.**
- 3. Da navedene iskaznice odnosno kuponi važe kod svih službi gradskog prevoza: Gras, Centrotrans, Željeznice FBiH (gradska i prigradska linija)**

OBRAZLOŽENJE

Elektronske iskaznice i mjesečne/godišnje kupone trenutno koriste različite grupe stanovništva, po različitim osnovama (radni i socijalni status, uzrok nastanka invaliditeta). Ovakav način korištenja prevoza, osim što olakšava korištenje prevoza putnicima (jeftiniji ili besplatan prevoz), pojednostavljuje i prevoz putnika (brzina kontrole karte). Vozila gradskog saobraćaja su uglavnom nepristupačna osobama s poteškoćama u kretanju (stepenice) i funkcionisanju (gužve) te kada i ako koriste gradski prevoz, primorani su ući u vozilo na druga ili treća vrata (kod niskopodnih vozila rampa je na drugim vratima, manja je gužva u zadnjem dijelu vozila) što onemogućava korisnika prevoza da kupi kartu kod vozača. Nadalje, djeca i odrasle osobe s invaliditetom, veoma često su izrazito lošeg ekonomskog statusa zbog onemogućenosti za rad te dodatnih troškova (lijekovi, terapije).

Osobe s invaliditetom odnosno djeca i odrasle osobe koje imaju visok stepen fizičkog onesposobljenja, mentalne poteškoće ili kombinovane smetnje, zahtijevaju tuđu njegu i pomoć u životnim aktivnostima. Tuđa pomoć je posebno potrebna u kretanju odnosno korištenju gradskog prevoza.

Stoga predlažemo da se pratioci osoba s invaliditetom kojima je neophodna tuđa pomoć u kretanju i komuniciranju, uvedu u pravo korištenja elektronske iskaznice i godišnjeg besplatnog kupona uz adekvatan dokaz: Rješenje o invaliditetu – tuđa njega i pomoć, Rješenje o starateljstvu ili Izjava da je osoba – pratioc osobe s invaliditetom.

Obzirom da je stanje na terenu takvo da je većina vozila gradskog zaobraćaja nepristupačna osobama s invaliditetom (stepenice na ulaznim vratima, velike gužve u vozilima), osobe s invaliditetom i njihovi pratioci moraju imati mogućnost izbora vozila gradskog saobraćaja, kako bi se istinski omogućilo korištenje uvođenja u pravo i povećala mobilnost osoba s invaliditetom.

Sve gore navedeno doprinijet će:

- poboljšanju materijalnog statusa ovih porodica (preusmjeravanje novčanih sredstava na svrsishodnije i neophodne stvari za život porodice),
- omogućavanju i olakšavanju blagovremenog izvršavanja svakodnevnih tekućih obaveza porodica,
- omogućavanju aktivnijeg društvenog života ove populacije.

S poštovanjem,

Davor Čičić
Zastupnik SDP BiH
u Skupštini Kantona Sarajevo